

# Aktie- aamma anpartsselskabini sulisut sinniisoqarnerat pillugu Kalaallit Nunaannut nalunaarut

Aktie- aamma anpartsselskabit pillugit inatsimmi (ingerlatseqatigiiffiit pillugit inatsit), kunngip peqqussutaatigut nr. 486, 14. maj 2018-imeersukkut Kalaallit Nunaannut atulersinneqartumi § 143 aamma § 367, imm. 4 naapertorlugit aalajangersarneqarpoq:

## Kapitali 1

### *Aalajangersakkat aallarniutaasut*

§ 1. Ingerlatseqatigiiffinni aningaasaliiffiusuni, Erhvervsstyrelsen qarasaasiaqarfiani nalunaarsugaasuni, taakkulu suliffeqarfissui ukiuni kingullerni pingasuni agguaqatigiisillugit minnerpaamik 35-nik sulisoqarsimasuni, ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi §§ 140-mi aamma 141-mi tamanna pillugu malittarisassat naapertorlugit qullersatut aqutsinermi oqartussanut sulisut sinniisussaannik taakkulu sinniisissaannik sulisut qinersinnaatitaapput.

*Imm. 2.* Nalunaarut manna qullersatut aqutsinermi oqartussanut sulisut sinniisussaannik sinniisissaannillu qinersinermi atorneqassaaq.

### *Nassuiaatit*

§ 2. Sulisumi paasineqarpoq inuk kinaluunniit 15-it sinnerlugit ukioqartoq ingerlatseqatigiiffik sinnerlugu:

- 1) akissarsialittut suliamik ingerlataqartoq,
- 2) umiarsuarmi, ingerlatseqatigiiffimmit pigineqartumi, aamma Kalaallit Nunaanni imaluunniit nunami EU-mi/EØS-imi nalunaarsugaasumi akissarsialittut suliamik ingerlataqartoq, imaluunniit
- 3) EU-mi/EØS-imi nunamut ilaasumi nunap toqqaviata ilaani akissarsialittut suliamik ingerlataqartoq.

*Imm. 2.* Inuk, ingerlatseqatigiiffiup imaluunniit suliffeqarfissuup pisortaaneqarfiani ilaasortatut Erhvervsstyrelsen qarasaasiaqarfiani nalunaarsugaasimasooq imaluunniit nalunaarsugassatut nalunaarutigineqarsimasooq, imaluunniit Kalaallit Nunaata aamma EU-/EØS-ip avataani ataavartumik suliffeqartoq taamaattoq imm. 1 malillugu sulisutut isigineqanngilaq. Suliffeqarfissuarmi sinniisussanik qinersinermi nammeneq kajumissutsimik amerliliiinissaq toqqarneqarsimappat, tak. §§ 48-49, nunami allami ingerlatseqatigiiffimmi pigisami pisortaq, Erhvervsstyrelsen qarasaasiaqarfiani nalunaarsugaanissamut naapertuuttumik nunami pineqartumi malittarisassat malillugit pisortatut nalunaarsugaasimasooq imaluunniit nalunaarsugaasussatut nalunaarutigineqarsimasooq aamma imm. 1 malillugu sulisutut isigineqassanngilaq.

*Imm. 3.* Ingerlatseqatigiiffimmi sulisutut paasineqarpoq ingerlatseqatigiiffimmi suleqataasooq kiisalu ingerlatseqatigiiffiup nunani allani immikkoortortaani, Kalaallit Nunaanniittumi imaluunniit EU-mi/EØS-imi nunamiittumi suleqataasooq.

*Imm. 4.* Suliffeqarfissuarmi sulisutut paasineqarpoq Erhvervsstyrelsen qarasaasiaqarfiani nalunaarsugaasumi ingerlatseqatigiiffimmi piginnittumi, taassuma pigisaani ingerlatseqatigiiffinni sulisutut, kiisalu taakku nunani allani immikkoortortaanni EU-mi/EØS-imi nunamiittumi sulisoq.

§ 3. Sulisut sinniisaattut paasineqassaaq ataatsimut taaguut, ingerlatseqatigiiffimmi sinniisuusooq kiisalu suliffeqarfissuarmi sinniisuusooq.

*Imm. 2.* Ingerlatseqatigiiffimmi sinniisutut paasineqarpoq ingerlatseqatigiiffiup qullersatut aqutsinermi oqartussani ingerlatseqatigiiffimmi sulisunut sinniisooq.

*Imm. 3.* Suliffeqarfissuarmi sinniisutut paasineqarpoq ingerlatseqatigiiffiup piginnittup qullersatut aqutsinermi oqartussani suliffeqarfissuarmi sulisunut sinniisooq.

*Imm. 4.* Qineqqusaartutut paasineqarpoq inuk sulisut sinniisussaannik qinersinermi qinigassanngortittoq.

*Imm. 5.* Sulisut sinniisaattut paasineqarpoq ingerlatseqatigiiffimmi, kiisalu ingerlatseqatigiiffimmi piginnittumi qullersatut aqutsinermi oqartussani ilaasortaq, ilaasortaq ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi kapitali 8 aamma nalunaarummi matumani malittarisassat naapertorlugit sulisunit qinerneqartoq.

*Imm. 6.* Sinniisissatut paasineqarpoq inuk ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi kapitali 8 aamma nalunaarummi matumani malittarisassat naapertorlugit sulisunit qinerneqartoq, taassuma pisinnaannginnerani imaluunniit tunuarnerani sulisut sinniisaannut taartaasinnaasooq.

*Imm. 7.* Inuttut sinniisissatut paasineqarpoq sinniisissaq, taassuma pisinnaannginnerani imaluunniit tunuarnerani sulisut sinniisaannut aalajangersimasumut taartaasinnaasooq.

§ 4. Suliffeqarfissuarmi nalunaarummi matumani paasineqarpoq ingerlatseqatigiiffik piginnittuusooq aamma ingerlatseqatigiiffik pigineqartoq ataaseq arlallilluunniit, ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi §§ 6 aamma 7-imi taaneqartut taamatut akornimmi atasuteqartut.

*Imm. 2.* Ingerlatseqatigiiffimmi suliffeqarfissuarmi nalunaarummi matumani paasineqarpoq ingerlatseqatigiiffik Erhvervsstyrelsen qarasaasiaqarfiani nalunaarsugaasimasooq, aamma ingerlatseqatigiiffittut piginnittutut imaluunniit ingerlatseqatigiiffittut pigineqartutut suliffeqarfissuarmut ilaasooq.

§ 5. Qinersinermi ataatsimiititaliatut paasineqarpoq ataatsimiititaliaq aalajangersimasooq sulisunit pisortaaneqarfimmillu sinniisunit katitigaasooq, tak. kapitali 3. Qinersinermi ataatsimiititaliaq aappeerluni/naaggaarluni taasinermik ingerlatsissaaq, tak. kapitali 4, aamma ingerlatseqatigiiffimmi ingerlatseqatigiiffimmi sinniisussanik qinersinermik ingerlatsilluni, tak. kapitali 5.

§ 6. Suliffeqarfissuarmi qinersinermi ataatsimiititaliami paasineqarpoq ataatsimiititaliaq aalajangersimasoq sulisunit pisortaaneqarfimmillu sinniisunit katitigaasoq, tak. kapitali 3. Suliffeqarfissuarmi qinersinermi ataatsimiititaliaq aappeerluni /naaggaarluni taasinermik ingerlatsissaaq aamma qinersinermi aqutsisunik pilersitsilluni imaluunniit suliffeqarfissuarmi sinniisussanik toqqaannartumik qinersinermik ingerlatsilluni, tak. kapitali 6.

§ 7. Qinersinermi aqutsisuni paasineqarpoq ataatsimiititaliaq suliffeqarfissuup ingerlatseqatigiiffiini sulisut sinniisaannit katitigaasoq. Qinersinermi aqutsisut suliffeqarfissuup sinniisussaannik taakkulu sinniisssaannik suliffeqarfissuarmi sinniisussanik toqqaannangitsumik qinersisoqarneratigut qinerneqassapput.

§ 8. Aappeerluni/naaggaarluni taasinermi paasineqarpoq ingerlatseqatigiiffimmi imaluunniit suliffeqarfissuarmi sulisut sinniisussaannik pilersitsineq imaluunniit atorunnaarsitsineq pillugu sulisut akornanni taasitsineq, tak. kapitali 2 aamma 4.

§ 9. Suleqatigiinnermi ataatsimiititaliami paasineqarpoq taaguut sulinermi inatsisini malittarisassani atorneqartartoq.

#### *Ingerlatseqatigiiffimmi sinniisut amerlassusaat*

§ 10. Ingerlatseqatigiiffimmi § 25 aamma kapitali 4 naapertorlugu sulisut aalajangersimallutik ingerlatseqatigiiffimmi sinniisussanik qinersisoqassasoq, ingerlatseqatigiiffimmi sulisut ingerlatseqatigiiffimmi qullersatut aqutsinermi oqartussanut ilaasortassanik taakkunungalu sinniisissanik, qullersatut aqutsinermi oqartussani ilaasortat allat affaannut naapertuuttunik qinersisinnaatitaapput, taamaattorli ikinnerpaamik ilaasortat marluk. Ingerlatseqatigiiffimmi sinniisut sinniisissallu amerlassusaat ullup qinersiffiusussap tamanut saqqummiunneqarnerani ullormi naatsorsorneqassapput.

*Imm. 2.* Ingerlatseqatigiiffimmi qullersatut aqutsinermi oqartussani ingerlatseqatigiiffimmi sinniisoqarfiusumi kiisalu suliffeqarfissuarmi sinniisoqarfiusumi, ingerlatseqatigiiffimmi sulisut ingerlatseqatigiiffimmi sinniisussanik marlunnik qinersisinnaatitaapput.

*Imm. 3.* Ingerlatseqatigiiffimmi sinniisut sinniisissaasalu, imm. 1 malillugu sulisunit qinerneqartussat amerlassusaat kisitsisaangippat ilivitsoq taanna qummut akunnaallisineqassaaq.

*Imm. 4.* Imm. 1 malillugu pisinnaatitaaffigisaminni ikinnerusunik sulisut sinniisussaannik ikinnerusunillu sinniisissaannik sulisut qinersisinnaapput, tak. § 40, imm. 3, aamma § 43, imm. 1.

#### *Suliffeqarfissuami sinniisut amerlassusaat*

§ 11. Suliffeqarfissuarmi § 26 aamma kapitali 4 naapertorlugu sulisut aalajangersimallutik ingerlatseqatigiiffiup piginnittup qullersatut aqutsinermi oqartussanut suliffeqarfissuarmi sinniisussanik qinersisoqassasoq, suliffeqarfissuarmi sulisut taakkunungalu sinniisissanik, ingerlatseqatigiiffiup piginnittup qullersatut aqutsinermi oqartussani ilaasortat allat affaannut naapertuuttunik qinersisinnaatitaapput, taamaattorli ikinnerpaamik ilaasortat pingasut. Suliffeqarfissuarmi sinniisut sinniisissallu amerlassusaat ullup qinersiffiusussap tamanut saqqummiunneqarnerani ullormi naatsorsorneqassapput.

*Imm. 2.* Suliffeqarfissuarmi sinniisut sinniisissaasalu, imm. 1 malillugu sulisunit qinerneqartussat amerlassusaat kisitsisaangippat ilivitsoq taanna qummut akunnaallisineqassaaq.

*Imm. 3.* Ingerlatseqatigiiffimmi piginnittumi sulisut ingerlatseqatigiiffimmi sinniisussanik marlunnik qinersisinnaanertik atorsimappassuk, tak. § 10, imm. 2, imm. 1 naapertorlugu qinerneqarsinnaasut suliffeqarfissuarmi sinniisut amerlassusaat marlunnik ikilineqassapput.

*Imm. 4.* Imm. 1 malillugu pisinnaatitaaffigisaminni ikinnerusunik sulisut sinniisussaannik ikinnerusunillu sinniisissaannik sulisut toqqaannartumik toqqaannangitsumillu qinersinermi qinersisinnaapput, tak. § 40, imm. 3, aamma § 43, imm. 1.

#### *Agguaqatigiisillugu sulisut amerlassusaannik naatsorsuineq*

§ 12. Ingerlatseqatigiiffik imaluunniit suliffeqarfissuup ukiumi kingullerni pingasuni agguaqatigiisillugit minnerpaamik 35-nik sulisoqarsimasutut isigineqassaaq ingerlatseqatigiiffimmi, kiisalu suliffeqarfissuup ingerlatsiviani ataatsimi arlalinniluunniit akunnerit ukiumut suliffiusimasut katilligit minnerpaamik 63.000-iusimappata. Akunnerit suliffiusimasut naatsorsorneqarneranni aallaavigineqassaaq ukiumoortumik akissarsiat tunniunneqartartut sulisut agguaqatigiisillugu akunnermusiaannik agguarlugit.

§ 13. Ingerlatseqatigiiffimmi kiisalu ingerlatseqatigiiffimmi piginnittumi pisortaaneqarfik, § 25, imm. 2 imaluunniit § 26, imm. 2 malillugu taasisitsisoqarnissaanik piunasaqarsinnaasut arlaannit noqqaasoqarneratigut § 12 naapertorlugu naatsorsuissaaq inernalu ingerlatseqatigiiffiup, suliffeqarfissuup sulisuinut noqqaassutip tiguneqarneraniit sapaatit akunneri sisamat qaangiutinnagit nalunaarutigalugu.

#### *Aappeerluni/naaggaarluni taasinermi taasisinnaatitaasut*

§ 14. Sulisoq kinaluunniit, taasitsinerup ingerlanneqarnerani piffissami ingerlatseqatigiiffimmi atorfeqartoq ingerlatseqatigiiffimmi sinniisoqarneq pillugu aappeerluni/naaggaarluni taasinermi taasisinnaatitaavoq. Qinersinermi ataatsimiititaliaq oqaaseqatigiinni siullermi piunasaqaat naammassineqarsimanersoq pillugu nalornisoqarnerani aalajangiissaaq.

*Imm. 2.* Sulisoq kinaluunniit taasitsinerup ingerlanneqarnerani piffissami suliffeqarfissuup pigisaani ingerlatseqatigiiffiit arlaanni atorfeqartoq suliffeqarfissuarmi sinniisoqarneq pillugu aappeerluni/naaggaarluni taasinermi taasisinnaatitaavoq. Suliffeqarfissuarmi qinersinermi ataatsimiititaliaq oqaaseqatigiinni siullermi piunasaqaat naammassineqarsimanersoq pillugu nalornisoqarnerani aalajangiissaaq.

#### *Qinersisinnaaneq*

§ 15. Ingerlatseqatigiiffimmi sinniisussanik qinersinermi sulisoq kinaluunniit qinersisinnaavoq, pineqartoq qinigassat allattorsimaffiannik tamanut saqqummiussinermi, tak. § 39, imm. 4, aamma piffissami qinersiffiusumi ingerlatseqatigiiffimmi atorfe-

qarpat.

*Imm. 2.* Suliffeqarfissuarmi sinniisussanik qinersinermi sulisoq kinaluunniit qinersisinnaatitaavoq, suliffeqarfissuarmi sinniisussanik qinersineq toqqaannartumik qinersinertut ingerlanneqarpat pineqartoq qinigassat allattorsimaffiannik tamanut saqqummiussinermi aamma piffissami qinersiffiusumi suliffeqarfissuarmi atorfeqarpat.

*Imm. 3.* Suliffeqarfissuarmi sinniisussanik qinersineq toqqaannangitsumik qinersisoqarneratigut ingerlanneqarpat qinersisinnaaneq qinersinermi aqutsisunit ingerlanneqassaaq, tak. § 44.

*Imm. 4.* Qinersinermi ataatsimiititaliaq, kiisalu suliffeqarfissuarmi qinersinermi ataatsimiititaliaq imm. 1-imi kiisalu imm. 2-mi piunasaqaatit naammassineqarsimanersut nalornisoqartillugu aalajangiisaaq.

#### *Qinigassanngortissinnaaneq*

**§ 16.** Sulisoq kinaluunniit ingerlatseqatigiiffimmi sinniisunut qinersinermi qinigassanngortissinnaavoq, pineqartoq nammineersinnaassuseqarpat aamma qinersinissaq sioqqullugu qaammatit aqqaneq marluk ingerlaneranni ingerlatseqatigiiffimmi atorfeqarsimappat.

*Imm. 2.* Sulisoq kinaluunniit suliffeqarfissuarmi sinniisunut qinersinermi qinigassanngortissinnaavoq, pineqartoq nammineersinnaassuseqarpat aamma qinersinissaq sioqqullugu qaammatit aqqaneq marluk ingerlaneranni suliffeqarfissuup ingerlatseqatigiiffiani atorfeqarsimappat.

*Imm. 3.* Qinersinermi ataatsimiititaliaq, kiisalu suliffeqarfissuarmi qinersinermi ataatsimiititaliaq imm. 1-imi kiisalu imm. 2-mi piunasaqaatit naammassineqarsimanersut nalornisoqartillugu aalajangiisaaq.

*Imm. 4.* Qinersinermi ataatsimiititaliaq, kiisalu suliffeqarfissuarmi qinersinermi ataatsimiititaliaq isumaqatigiillutik aalajangiisinnaapput sulisoq qinigassanngortissinnaasoq, naak pineqartoq imm. 1-imi aamma imm. 2-mi allanneqarsimasumit piffissami sivikinnerusumi atorfeqarsimagaluortoq.

**§ 17.** Inuk ataatsimeersuarnermi qinerneqareersimasoq imaluunniit qullersatut aqutsinermi oqartussani ilaasortassatut allanit toqarneqarsimasoq, tak. ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi § 120, atorffimmit tassannga tunuassaaq, pineqartoq sulisut sinniisaattut imaluunniit sinniisissatut qinerneqarsimappat. Tunuarneq pissaaq pineqartup sulisut sinniisaattut imaluunniit sinniisissatut sulilernerata peqatigisaanik.

*Imm. 2.* Ingerlatseqatigiiffik qullersatut aqutsinermi oqartussani ingerlatseqatigiiffimmi aamma suliffeqarfissuarmi sinniisoqarpat inuk taamaallaat ingerlatseqatigiiffimmi imaluunniit suliffeqarfissuarmi sinniisutut qinerneqarsinnaavoq. Tamanna aamma sinniisissanut atuuppoq.

#### *Qinersinerup inernera*

**§ 18.** Qinersinerup inernera qinerneqartullu aqqi najugaallu qinersinermi ataatsimiititaliaq, kiisalu suliffeqarfissuarmi qinersinermi ataatsimiititaliaq imaqaarniliaani allanneqassapput aamma ingerlaannartumik allakkatigut, e-mailikkut assigisaatigulluunniit qullersatut aqutsinermi oqartussanut qinigaasunullu nalunaarutigalugu, soorlu aamma tamanna sulisunut nalunaarutigineqassasoq.

#### *Ileqquusumik qinersinermut piffissaq qinigaaffiusoq*

**§ 19.** Sulisut sinniisaannik sinniisissaannillu ileqquusumik qinersineq ukiut sisamakkaarlugit pisassaaq § 1-imi piunasaqaatit suli naammassineqarsimaneri tunngavigalugit, taamaattorli tak. § 24, aamma qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq isumaqatigiinnatik qinersineq aalajangersimasoq sioqqullugu piffissaq qinersivissaq sivikinnerussasoq aalajangersimappassuk.

*Imm. 2.* Qinerseqittoqarsinnaavoq. Ingerlatseqatigiiffimmi sinniisussanik qinersinermi ingerlatseqatigiiffimmi ileqquusumik ataatsimeersuarnissaq sioqqullugu qinersineq naammassineqarsimassaaq. Suliffeqarfissuarmi sinniisussanik qinersinermi ingerlatseqatigiiffimmi piginnittuusumi ileqquusumik ataatsimeersuarnissaq sioqqullugu qinersineq naammassineqarsimassaaq.

#### *Pisinnaatitaaffiit inatsisitigullu illersugaaneq*

**§ 20.** Sulisut sinniisaat ingerlatseqatigiiffimmi qullersatut aqutsinermi oqartussani ilaasortat allat assigalugit taamaaqataanik pisinnaatitaaffeqarput, pisussaaffeqarput akisussaaffeqarlutillu.

**§ 21.** Sulisut sinniisaat soraarsinneqarnissamut pissutsillu allatigut ajorseriarnissaannut pineqartup imaluunniit taamaaqataanik suliaqarfup iluani sinniisutulli illersugaapput. Ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi §§ 140 imaluunniit 141 malillugu sulisut qinigaat sulisut sinniisaattut amerlaqataannut naaper-tuuttumik sinniisissaasut amerlassusillit taamaaqataanik illersugaapput. Sinniisissat amerlassusaat sulisut qinigaannik sinniisut amerlassusaannik amerlaneruppata sinniisissaasut qinersinermi amerlanerussuteqarlutik taaneqarsimasut illersugaapput.

*Imm. 2.* Imm. 1 malillugu illersugaaneq pillugu isumaqatigiinnginnerit, tassunga ilanngullugu malittarisassat suut atorner-garnissaat pillugu apeqqutit aamma malittarisassanik unioqqutitsineq imaluunniit nassuiaaneq sulineri inatsisini malittarisassat malillugit suliatiqut eqqartuussivikkut imaluunniit eqqartuussivinni nalinginnaasunik aalajangiiffigineqassapput.

#### *Sulisut sinniisoqarnermik aaqqissuussinerup atorunnaarnera*

**§ 22.** Sulisut sinniisoqarnerannik aaqqissuussineq piffissap qinigaaffiup naanerani atorunnaassaaq, ingerlatseqatigiiffik kiisalu suliffeqarfissuuaq piffissami tassani § 1-imi piunasaqaatinik naammassinnikkunnaarsimappat.

*Imm. 2.* Ingerlatseqatigiiffimmi sinniisoqarneq pillugu aaqqissuussineq ingerlaannartumik atorunnaassaaq ingerlatseqati-giiffimmi sulisut atorfeqarunnaarpat.

*Imm. 3.* Suliffeqarfissuarmi sinniisoqarneq pillugu aaqqissuussineq ingerlaannartumik atorunnaassaaq § 4, imm. 1 malillugu suliffeqarfissuuaqarunnaarpat.

*Imm. 4.* Suliffeqarfissuarmi sinniisoqarnek pillugu aaqqissuussineq aamma ingerlaannartumik atorunnaassaaq suliffeqarfissuup pigisaani ingerlatseqatigiiffimmi sulisunik atorfeqarunnaartoqarpat.

§ 23. Aaqqissuussinerup atorunnaarnissaa pillugu taasititsineq pilersinneqassaaq § 25, imm. 2-mi imaluunniit § 26, imm. 3-mi illuatungeriit pineqartut tamanna pillugu piumasaqaateqarpat § 27-imi malittarisassat isiginiarlugit. Qinersinermi ataatsimiititaliap kiisalu suliffeqarfissuarmi qinersinermi ataatsimiititaliap § 33, imm. 2-p aamma §§ 34-36-p eqqortillugit taasititsissaaq. Tamanna pillugu akuersisoqarnerata kinguningua aaqqissuussineq atorunnaassaaq.

*Sulisut sinniisoqarnermik nammineq kajumissuseqarnikkut aaqqissuussinerit*

§ 24. Suleqatigiinnermut ataatsimiititaliaq isumaqatigiilluni aalajangiisinnaavoq nalunaarummi matumani malittarisassanit allaanerusunik ingerlatseqatigiiffimmi sinniisut pillugu nammineq kajumissutsimik pilersitsisoqassasoq, ingerlatseqatigiiffiit pillugit inatsimmi, kunnqip peqqussutaatigut Kalaallit Nunaannut atulersinneqartumi § 140 malillugu sulisut ingerlatseqatigiiffimmi sinniisussaqtitaanersut apequtaatinnagu, taamaattorli tak. imm. 6. Suleqatigiinnermut ataatsimiititaliaqanngippat akissarsiaqartunut sinniisut aamma pisortaaneqarfiup akornanni isumaqatigiittoqarneratigut nammineq kajumissutsimik aaqqissuussinermik pilersitsisoqarsinnaavoq, ilisimatitsisoqarluni aamma tamanna pillugu malittarisassat naapertorlugit tusarniaasoqarluni. Nammineq kajumissutsimik aaqqissuussinermik pilersitsineq ingerlatseqatigiiffiup ataatsimeersuarnerani akuerineqassaaq, aamma ingerlatseqatigiiffiup malittarisassaani aalajangersakkamik ikkussisoqarluni, tassani ilisimatitsissutigineqarluni nammineq kajumissutsimik aaqqissuussinermik pilersitsisoqarsimasoq. Aalajangersakkap malittarisassanut ilanngunneqarnera ataatsimeersuarnermi immikkut akuerineqarnissaanik pisariaqartitsinnigilaq.

*Imm. 2.* Ingerlatseqatigiiffimmi pilersitsinermi ingerlatseqatigiiffiup malittarisassaani, pilersitsineq pillugu allagaatinut ilaasumi, nalunaarummi matumani malittarisassanit allaanerusunik ingerlatseqatigiiffimmi sinniisut pillugu nammineq kajumissutsimik pilersitsisoqarsinnaavoq, taamaattorli tak. imm. 6. Suleqatigiinnermut ataatsimiititaliaq ingerlatseqatigiiffiup pilersinneqarnerata kingorna isumaqatigiinnikkut aaqqissuussinerup pilersinneqarnera akuerisinnaavaat. Suleqatigiinnermut ataatsimiititaliaqanngippat akissarsiaqartunut sinniisut akornanni akuersissummik pissarsiniartoqassaaq, ilisimatitsisoqarluni aamma tamanna pillugu malittarisassat naapertorlugit tusarniaasoqarluni. Aaqqissuussinerup akuersisoqanngippat taanna atorunnaassaaq.

*Imm. 3.* Ingerlatseqatigiiffiup piginnittup suleqatigiinnermut ataatsimiititaliaa isumaqatigiilluni aalajangiisinnaavoq nalunaarummi matumani malittarisassanit allaanerusunik suliffeqarfissuarmi sinniisut pillugit nammineq kajumissutsimik pilersitsisoqassasoq, ingerlatseqatigiiffiit pillugit inatsimmi, kunnqip peqqussutaatigut Kalaallit Nunaannut atulersinneqartumi § 141 malillugu sulisut suliffeqarfissuarmi sinniisussaqtitaanersut apequtaatinnagu, taamaattorli tak. imm. 6. Suleqatigiinnermut ataatsimiititaliaqanngippat akissarsiaqartunut sinniisut aamma pisortaaneqarfiup akornanni isumaqatigiittoqarneratigut nammineq kajumissutsimik aaqqissuussinermik ingerlatseqatigiiffik piginnittuusooq pilersitsisoqarsinnaavoq, ilisimatitsisoqarluni aamma tamanna pillugu malittarisassat naapertorlugit tusarniaasoqarluni. Nammineq kajumissutsimik aaqqissuussinermik pilersitsineq ingerlatseqatigiiffiup piginnittup ataatsimeersuarnerani akuerineqassaaq, aamma ingerlatseqatigiiffiup piginnittup malittarisassaani aalajangersakkamik ikkussisoqarluni, tassani ilisimatitsissutigineqarluni nammineq kajumissutsimik aaqqissuussinermik pilersitsisoqarsimasoq. Aalajangersakkap malittarisassanut ilanngunneqarneri ataatsimeersuarnermi immikkut akuerineqarnissaanik pisariaqartitsinnigilaq.

*Imm. 4.* Ingerlatseqatigiiffinni suliffeqarfissuarmi ingerlatseqatigiiffittut pigisatut ingerlasussani aningaasaatini piginneqataasutit nalilinnik aningaasaliinnikkut ingerlatseqatigiiffimmi pilersitsinermi suliffeqarfissuarmik pilersitsinermi ingerlatseqatigiiffiup malittarisassaani, pilersitsineq pillugu allagaatinut ilaasumi nalunaarummi matumani malittarisassanit allaanerusunik suliffeqarfissuarmi sinniisut pillugu nammineq kajumissutsimik pilersitsisoqarsinnaavoq. Ingerlatseqatigiiffinni pigisani ingerlatseqatigiiffimmi sinniisoqarpat ingerlatseqatigiiffinni pigineqartuni pineqartuni qinersinermi ataatsimiititaliat isumaqatigiillutik aaqqissuussinermik pilersitsinerup akuersisinnaapput. Ingerlatseqatigiiffinni pigisani ingerlatseqatigiiffimmi sinniisoqanngippat suleqatigiinnermi ataatsimiititaliani isumaqatigiittoqarneratigut aaqqissuussinermi pilersitsinerup akuersisoqassaaq. Ingerlatseqatigiiffimmi pigisami suleqatigiinnermut ataatsimiititaliaqanngippat akissarsiallit sinniisuinut akuersisoqarnissaanik pissarsiniartoqassaaq, ilisimatitsisoqarluni tamannalu pillugu malittarisassat naapertorlugit tusarniaasoqarluni. Aaqqissuussinerup akuersisoqanngippat taanna atorunnaassaaq.

*Imm. 5.* Nammineq kajumissutsimik aaqqissuussineq ingerlasooq piffissami killiligaanngitsumi ingerlaannarsinnaavoq, suleqatigiinnermut ataatsimiititaliami imaluunniit nammineq kajumissutsimik aaqqissuussinermi sulisut sinniisaasa aamma pisortaaneqarfiup akornanni tamanna pillugu isumaqatigiittoqarunnaarsimangippat, imaluunniit aappeerluni/naaggaarluni taasinikkut aalajangerneqarsimappat sulisut sinniisaanik taartissaannillu qinersisoqassasoq, tak. §§ 25 aamma 26, imaluunniit ingerlatseqatigiiffimmi ataatsimeersuarneq aalajangerpat aaqqissuussineq atorunnaassasoq. Nammineq kajumissutsimik aaqqissuussinermik pilersitsinissaaq pillugu ingerlatseqatigiiffiup malittarisassaani aalajangersagaq, tak. imm. 1-4, aaqqissuussinerup atorunnaarnerani atorunnaassaaq aamma ingerlatseqatigiiffiup malittarisassaaniit peerneqarluni.

*Imm. 6.* §§ 20-imi, 21-imi aamma § 50-imi malittarisassat taamaaqataanik sulisut sinniisaannut sinniisissaannullu, imm. 1-4 malillugu nammineq kajumissutsimik aaqqissuussineq naapertorlugu qinerneqarsimasunut atorneqassapput.

## Kapitali 2

### *Sulisut sinniisoqarnek pillugu aappeerluni/naaggaarluni taasinissamik piumasaqarsinnaatitaaneq*

#### *Ingerlatseqatigiiffimmi sinniisoqarnek pillugu aappeerluni/naaggaarluni taasineq*

§ 25. Ingerlatseqatigiiffik ukiuni kingullerni pingasuni agguaqatigiissillugu sulinik ikinnerpaanik 35-inik sulisoqarsimappat, tak. § 12, sulisut sinniisaanik sinniisissaannillu qinersisoqassanersoq pillugu taakku akornanni taasititsisoqarnissaanik ingerlatseqatigiiffimmi sulisut piumasaqarnissamat pisinnaatitaaffeqarput.

*Imm. 2.* Imm. 1 naapertorlugu taasititsisoqarnissaanik piumasaqarnek ukuninnga saqqummiunneqarsinnaavoq:

- 1) ingerlatseqatigiiffimmi suleqatigiinnermi ataatsimiititaliami pisortaaneqarfimmit toqqarneqarsimangitsut sulisut amerlanerussuteqartut akornanni,
- 2) suliffeqarfimmi suliatiqut kattuffiit, assersuutigalugu klubbit sulisullu peqatigiiffii, ingerlatseqatigiiffimmi sulisut ikinnerpaamik qulerarterutaannut sinniisuusut, imaluunniit
- 3) ingerlatseqatigiiffimmi sulisut qulerarterutaat.

*Sulisut sinniisoqarneq pillugu aappeerluni/naaggaarluni taasineq*

**§ 26.** Suliffeqarfissuup ingerlatseqatigiiffiisa akornanni ukiuni kingullerni pingasuni agguaqatigiissillugu sulinik ikinnerpaamik 35-inik sulisoqarsimappat, tak. § 12, Erhvervsstyrelsen qarasaasiaqarfini nalunaarsugaasumi ingerlatseqatigiiffimmi pigineqartumi sulisut suliffeqarfissuup sinniisuini taartissaanillu qinersisoqassanersoq pillugu taakku akornanni taasisitsisoqarnissaanik piumasaqarnissamut pisinnaatitaaffeqarput.

*Imm. 2.* Suliffeqarfissuarmi, ingerlatseqatigiiffik piginnittuusoq peqatigisaanik suliffeqarfissuarmi arlalinni ingerlatseqatigiiffulluni piginnittuusumi imm. 1 naapertorlugu taasisitsisoqarnissaanik piumasaqartoqarpat piumasaqaat suliffeqarfissuarmut amerlanerpaamik suliffeqarfissuup ingerlatseqatigiiffeqartumut ilaassaaq.

*Imm. 3.* Imm. 1 naapertorlugu taasisitsisoqarnissaanik piumasaqarneq ukuninnga saqqummiunneqarsinnaavoq:

- 1) ingerlatseqatigiiffimmi pigineqartumi ataatsimi arlalinniluunniit suleqatigiinnermi ataatsimiititaliami pisortaaneqarfimmit toqqarneqarsimangitsut sulisut amerlanerussuteqartut akornanni,
- 2) ingerlatseqatigiiffimmi pigineqartuni suliatiqut kattuffiit, assersuutigalugu klubbit sulisullu peqatigiiffii, ingerlatseqatigiiffimmi sulisut ikinnerpaamik qulerarterutaannut sinniisuusut, imaluunniit
- 3) ingerlatseqatigiiffiit pigineqartuni sulisut qulerarterutaat.

**§ 27.** § 25, imm. 2 aamma § 26, imm. 3 malillugu taasisitsisoqarnissaa pillugu piumasaqaat allakkatigut, e-mailkutt assigisaatigulluunniit ingerlatseqatigiiffiup kiisalu ingerlatseqatigiiffiup piginnittup qullersatut aqutsinnermi oqartussaannut saqqummiunneqassaaq. Taasisitsinissaq pillugu piumasaqaatip tiguneqarnerata kingorna ataatsimiinnermi siullermi – taamaattorli piumasaqaatip tiguneqarneraniit kingusinnerpaamik sapaatit akunneri arfinillit qaangiutsinnagit – ingerlatseqatigiiffimmi kiisalu ingerlatseqatigiiffimmi piginnittumi qullersatut aqutsinnermi oqartussat pissutissaqarput qinersinnermi ataatsimiititaliamik kiisalu suliffeqarfissuarmi qinersinnermi ataatsimiititaliamik, kapitali 3-mi malittarisassat naapertorlugit pilersitsissallutik. Suleqatigiinnermi ataatsimiititaliami isumaqatigiittoqarneratigut sapaatit akunnerinik arfinilinnik piffissaliineq saneqqunneqassasoq aalajangiisoqarsinnaavoq. Suleqatigiinnermut ataatsimiititaliaqanngippat akissarsiallit sinniisuisa aamma pisortaaneqarfiup akornanni isumaqatigiittoqarneratigut piffissaliussaqaq saneqqunneqarsinnaavoq, ilisimatitsisoqarluni tamannalu pillugu malittarisassat naapertorlugit tusarniaasoqarluni.

**§ 28** Sulisut sinniisoqarnerat pillugu aappeerluni/naaggaarluni taasisoqarsimappat nutaamik taasisoqarnissaanik piumasaqaat kingullermi aappeerluni/naaggaarluni taasinerup kingorna qaammatit arfinillit qaangiuppata siusinnerpaamik saqqummiunneqarsinnaavoq.

*Imm. 2.* Qinersinnermi ataatsimiititaliaq kiisalu suliffeqarfissumi qinersinnermi ataatsimiititaliaq isumaqatigiillutik aalajangiisnaapput imm. 1 saneqqunneqassasoq.

**Kapitali 3**

*Qinersinnermi ataatsimiititaliamik aamma suliffeqarfissuarmi qinersinnermi ataatsimiititaliamik pilersitsineq*

**§ 29.** Qinersinnermi ataatsimiititaliaq aamma suliffeqarfissuarmi qinersinnermi ataatsimiititaliaq tassaavoq ataatsimiititaliaq aalajangersimasooq, sulisut sinniisaannik aamma pisortaaneqarfiup sinniisaannik katitigaasooq. Ataatsimiititaliami ilaasortat amerlanersaat tassaapput sulisut sinniisaat, ikinnerpaamillu ilaasortanit allani ataaseq pisortaaneqarfimmut sinniisuussalluni. Suliffeqarfissuarmi qinersinnermi ataatsimiititaliami ilaasortaq ikinnerpaamik ataaseq ingerlatseqatigiiffimmi pigisani sulisunut sinniisuussaaq, ilaasortanilu ikinnerpaamik ataaseq ingerlatseqatigiiffimmi piginnittumi pisortaaneqarfimmut sinniisuussalluni.

*Imm. 2.* Qinersinnermi ataatsimiititaliami sulisunut sinniisut ingerlatseqatigiiffiup suleqatigiinnermi ataatsimiititaliaani sulisut sinniisaanni ingerlatseqatigiiffiup sulisuisa akornanni qinerneqassaaq. Ilaasortat allat pisortaaneqarfimmit qinerneqassapput. Ingerlatseqatigiiffimmi pineqartuni suleqatigiinnermut ataatsimiititaliami sulisut sinniisaat ingerlatseqatigiiffimmi pigineqartumi sulisut akornanni suliffeqarfissuarmi qinersinnermi ataatsimiititaliamut sulisunut sinniisussamik qinersissapput. Ilaasortat allat ingerlatseqatigiiffimmi piginnittumi pisortaaneqarfimmit qinerneqassapput.

*Imm. 3.* Suleqatigiinnermi ataatsimiititaliaqanngippat sulisunut sinniisussamik taakku akornanni qinersinnermut ataatsimiititaliamut kiisalu suliffeqarfissuarmi qinersinnermi ataatsimiititaliamut pisortaaneqarfik toqqaassaaq. Ingerlatseqatigiiffimmi kiisalu ingerlatseqatigiiffimmi piginnittumi sulisut sinniisaannik qinersisoqarsimappat sapinngisamik taakku sinniisoqassapput.

*Imm. 4.* Sulisut, ingerlatseqatigiiffimmi kiisalu ingerlatseqatigiiffimmi pigineqartumi qullersatut aqutsinnermi oqartussanut sulisut sinniisussaattut imaluunniit sinniisissaatulluunniit qinigassanngortittut imaluunniit qinigassanngorteqqittut qinersinnermi ataatsimiititaliami imaluunniit suliffeqarfissuarmi qinersinnermi ataatsimiititaliami ilaasortatut toqqarneqarsinnaanngillat imaluunniit ataannarsinnaanngillat.

*Imm. 5.* Qinersinnermi ataatsimiititaliamit imaluunniit suliffeqarfissuarmi qinersinnermi ataatsimiititaliamit tunuarnermi ilaasortaq pineqartoq tamanna pillugu ataatsimiititaliamut ilisimatitsissaaq. Tamatuma kingorna imm. 2-mi aamma 3-mi malittarisassat naapertorlugit ilaasortassamik nutaamik toqqaasoqarnissaaq ataatsimiititaliaq isumagissuaa, ilaasortat allat isumaqatigiillutik aalajangiinngippata ilaasortassamik nutaamik toqqaasoqassanngitsoq, aamma imm. 1-mi katiternissaannut piumasaqaatit suli eqqortinneqarlutik.

**§ 30.** Suliffeqarfissuarmi ingerlatseqatigiiffimmi piginnittumi qullersaasumi suleqatigiinnermut ataatsimiititaliaq suliffeqarfissuarmi ingerlatseqatigiiffimmit tamanit sulisut sinniisaat peqataaffigisaanni isumaqatigiinnikkut aalajangiisoqarsinnaavoq

suliffeqarfissuarmi ataatsimiititaliamik taamaallaat ataatsimik pilersitsisoqassasoq, suliffeqarfissuup taassuma iluani suliffeqarfissuarmi qinersinernik arlalinnik ingerlatsisinnasoq. Ingerlatseqatigiiffimmi piginnittumi qullersaasumi suleqatigiinnermut ataatsimiititaliaqanngippat akissarsiallit sinniisuisa, tamanna pillugu malittarisassat naapertorlugit ilisimatinneqartup tusarniarneqartullu, aamma ingerlatseqatigiiffimmi piginnittumi qullersaasumi pisortaaneqarfiup akornanni isumaqatigiittoqarneratigut aalajangiisoqarsinnaavoq.

**§ 31.** Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq siulittaasussani nammineq qinissavaa.

*Imm. 2.* Ataatsimiititaliap aalajangiinerit nalinginnaasumik taasinerit amerlanerussuteqarnerisigut aalajangerneqartassapput, nalunaarummi matumani allamik aalajangiisoqarsimangippat. Taasinerit naligiitsillugit siulittaasup taasineri aalajangiisuusaaq.

**§ 32.** Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq imaqarniliusaaq, tassani pissutsit pingaaruteqartut tamarmik, tassunga ilanngullugit nalunaarutigisat, aalajangiinerit imarisai, taasisitsinermi inernerit aamma qinersinermi inernerit takuneqarsinnaallutik.

*Imm. 2.* Imaqarniliat ingerlatseqatigiiffimmi kiisalu suliffeqarfissuup ingerlatseqatigiiffimmi qullersatut aqutsinermi oqartussanit, pisortaaneqarfimmit, sulisunit aamma aningaasaatinik piginneqataasunit kiisalu pisortani oqartussanit pissarsiarineqarsinnaassapput.

*Imm. 3.* Imaqarniliat ataatsimiititaliami ilaasortanit atsiorneqassapput sivikinnerpaamillu ukiuni tallimani toqqorsimaneqassallutik.

## Kapitali 4

### *Aappeerluni/naaggaarluni taasinerup naammassineqarnera*

**§ 33.** Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq pilersinneqarnermi kingorna sapaatit akunneri sisamat qaangiutsinnagit aappeerluni/naaggaarluni taasinerimik ingerlatsissaaq, tak. §§ 25 aamma 26, qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq isumaqatigiillutik aalajangiinngippata taasisitsineq ingerlanneqassanngitsoq, imaluunniit piffissaliusaaq saneqqunneqassasoq. Taasisitsisoqassanngitsoq aalajangiisoqarpat tarsiullugu sulisut sinniisussaannik qinersinissaq ingerlanneqassaaq, tak. kapitali 5 kiisalu kapitali 6.

*Imm. 2.* Qinersinermi ataatsimiititaliap kiisalu suliffeqarfissuarmi qinersinermi ataatsimiititaliap taasisitsinerup ingerlanneqarnera isumagissuaa taamaalilluni taasisinnaatitaasut tamarmik taasisitsinermi naammaginartumik peqataasinnaallutik, tassunga ilanngullugu pisariaqassappat allakkatigut taasisitsisoqarluni. Allakkatigut taasisitsineq allakkatigut, e-mailikkut assigisaatigulluunniit ingerlanneqassaaq.

**§ 34.** Aappeerluni/naaggaarluni taasineq allakkatigut, e-mailikkut assigisaatigulluunniit ingerlanneqassaaq. Taasineq isertuussinikkut ingerlanneqassaaq.

*Imm. 2.* Taasisitsinermi taamaallaat taasisoqarsinnaavoq aap imaluunniit naagga.

*Imm. 3.* Sulisut sinniisoqarnerannik aqqissuussinermik pilersitsinissaq pillugu aalajangiineq akuerineqartutut isigineqassaaq taasisinnaatitaasut ikinnerpaamik affai siunnersuummut isumaqataappata.

*Imm. 4.* Sulisut sinniisoqarnerannik aqqissuussinerup atorunnaarnera pillugu aalajangiineq, tak. § 23, akuerineqartutut isigineqassaaq taasisinnaatitaasut ikinnerpaamik affai aqqissuussinerup atorunnaarsinnissaa pillugu siunnersuummut taaseqataasimappata.

*Imm. 5.* Taasisitsinermi inerneq pigineqaliinnartorlu tamanna ingerlatseqatigiiffimmi kiisalu ingerlatseqatigiiffimmi piginnittumi qullersatut aqutsinermi oqartussanut aamma sulisunit allakkatigut, e-mailikkut assigisaatigulluunniit qinersinermi ataatsimiititaliamit kiisalu suliffeqarfissuarmi qinersinermi ataatsimiititaliamit nalunaarutigineqassaaq.

**§ 35.** Ingerlatseqatigiiffimmi piginnittumi qullersatut aqutsinermi oqartussani ingerlatseqatigiiffimmi sinniisoqarpat suliffeqarfissuarmi sinniisoqarneq pillugu aappeerluni/naaggaarluni taasineq ingerlatseqatigiiffimmi piginnittumi qullersatut aqutsinermi oqartussani ingerlatseqatigiiffimmi sinniisunut piffissap qinigaaffiusup naanerata kingorna siusinnerpaamik qaammatit arfinillit qaangiunnerini ingerlanneqarsinnaavoq.

*Imm. 2.* Ingerlatseqatigiiffimmi piginnittumi qullersatut aqutsinermi oqartussani ingerlatseqatigiiffimmi sinniisoqarpat suliffeqarfissuarmi sinniisoqarneq pillugu aappeerluni/naaggaarluni taasineq ingerlatseqatigiiffimmi piginnittumi qullersatut aqutsinermi oqartussani ingerlatseqatigiiffimmi sinniisunut piffissap qinigaaffiusup naanerata kingorna siusinnerpaamik qaammatit arfinillit qaangiunnerini ingerlanneqarsinnaavoq.

*Imm. 3.* Suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq imm. 1 aamma imm. 2 saneqqunneqassasut.

**§ 36.** Ingerlatseqatigiiffik nunani allani angalasuni umiarsuarni sulisunik sulisoqarpat aappeerluni/naaggaarluni taasisoqassasoq kiisalu taasisitsinerup ingerlanneqarnissaanut suleriaatsimik sulisut umiarsuarmiittut taasisinnaatitaasut sapinngisamik piaarnerpaamik ilisimatinnissaannut qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq pisussaavoq.

*Imm. 2.* Umiarsuarni ataasiakkaani umiarsuup naalagaa imm. 1-imi taaneqartup nalunaarutip tiguneqarneraniit piaarnerpaamik pingasunik ilaasortaartumik qinersinermi ataatsimiititaliaqqamik pingasunik ilaasortaartumik pilersitsissaaq, tassaasut umiarsuarni aqumiunut sinniisoq ataaseq, inuttat sinnerinut sinniisoq ataaseq aamma umiarsuup naalagaa, qinersinermi ataatsimiititaliaqqamut siulittaasuusaaq.

*Imm. 3.* Qinersinermi ataatsimiititaliaaraq pilersinneqarnermi kingorna sapaatip ataatsip iluani §§ 25 aamma 26-imi eqqartorneqartunik taasisitsinermik ingerlatsissaaq tamatumalu kingorna ingerlaannartumik nalunaarasuartaatikkut, elektroniskimik taamaaqataanilluunniit sukkatigisumik taasisitsinerup inerneru pillugu qinersinermut ataatsimiititaliaq kiisalu

suliffeqarfissuarmi qinersinermi ataatsimiititaliaq nalunaarfigineqassaaq, aappimik taasinerit aamma naaggami taasinerit amerlassusii kiisalu taasinerit allaffigineqanngitsut aamma atuutinnngitsut amerlassusii allanneqarlutik.

*Imm. 4.* Aappeerluni/naaggaarluni taasinermi qinersinermi ataatsimiititaliaaraq taasisitsinermi inerneramik nalunaaruteqarnerup peqatigisaanik taamaaqataanik piaartumik sulisut sinniisaattut kiisalu sinniisissaatut qinigassanngortinneqartussatut siunnersuutigineqartut, umiarsuarmi sulisunit saqqummiunneqartut qinersinermi ataatsimiititaliamut kiisalu suliffeqarfissuarmi qinersinermi ataatsimiititaliamut nalunaarutigissavai.

*Imm. 5.* Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq imm. 2-4 saneqqunneqarsinnaasut.

## Kapitali 5

### *Ingerlatseqatigiiffimmi sinniisussanik qinersinerup ingerlanneqarnera*

**§ 37.** Qinersinermi ataatsimiititaliap isumagissuaa:

- 1) qinersinerup piaarnerpaamik ingerlanneqarnissaa, taamaattorli ingerlatseqatigiiffimmi sinniisoqarneq pillugu aalajangiinerup akuerineqarneraniit kingusinnerpaamik qaammatit arfinillit qaangiutsinnagit, qinersinermi ataatsimiititaliaq isumaqatigiilluni aalajangersimangippat qinersineq kingusinnerusukkut ingerlanneqassasoq, aamma
- 2) qinersineq imatut ingerlanneqarluni taamaalluni qinersisinnaasut tamarmik qinersinermi peqataanissamut naammaginar-tumik periarfissaqarlutik, tassunga ilanngullugu pisariaqassappat allakkatigut taasisitsinikkut.

*Imm. 2.* Ingerlatseqatigiiffimmi sinniisoqarneq pillugu aalajangiineq atorunnaassaaq aalajangiinerup akuerineqarneraniit, imaluunniit imm. 1, nr. 1 malillugu qinersinermi ataatsimiititaliamit aalajangerneqartup kingusinnerusukkut ulluliinermit kingusinnerpaamik qaammatit arfinillit qaangiutsinnagit qinersisoqarsimangippat.

*Imm. 3.* Qinigassanngortitat pisariaqartumik amerlassuseqartut sassartinnissaat siunertaralugu qinersinerup kinguartinnissaa qinersinermi ataatsimiititaliap isumaqatigiilluni aalajangersinnaavaa. Taamaattorli qinersineq ileqqusumik ataatsimeersuarnerup ingerlannissaa sioqqullugu naammassineqarsimassaaq.

**§ 38.** Qinersinermi ataatsimiititaliaq isumaqarpat qinersineq qinersivinni arlalinni imaluunniit piffissani assigiinngitsuni ingerlanneqassasoq tamatumunnga ikiuuttussanik qinersinermi immikkut ataatsimiititaliaaqqanik pilersitsisoqarsinnaavoq.

*Imm. 2.* Qinersinermi ataatsimiititaliaq qinersinermi ataatsimiititaliaaqqanik pilersitsinissaaq taakkulu siulittaasussaanik toqqaasoqarnissaa pillugu aalajangiisssaaq, taamaattorli tak. § 36, imm. 2. § 29, imm. 1-4-imi aamma § 31, imm. 2-mi aalajanger-sakkat taamaaqataanik qinersinermi ataatsimiititaliaaqqanut atuutissapput.

*Imm. 3.* Qinersinermi ataatsimiititaliaaqqap aalajangiineri qinersinermi ataatsimiititaliamut suliassanngortinneqarsinnaapput.

**§ 39.** Qinersinermi ataatsimiititaliaq qullersatut aqutsinermi oqartussanik isumaqatiginninniareerluni qinersinerup qaqugu naammassineqarnissaanut ullumik aalajangiisssaaq, aamma sulisut tamarmik ullumik naammaginar-tumik ilisimasaqalernissaat isumagalugu. Qinersinermi ataatsimiititaliaq qinersineq piffissami naammassineqassasoq aalajangiisnaavoq, imm. 2-mi aamma imm. 3, nr. 3-mi aamma § 40, imm. 4 aamma 5-imi piffissaliussat naatsorsornerini piffissami ullu kingulleq ullutut qinersivis-satut isigineqarluni.

*Imm. 2.* Qinersinermi ataatsimiititaliap ulloq qinersivissaaq sulisunut tamanut nalunaarutigissavaa ullu qinersivissatut aalajangerneqartoq minnerpaamik sapaatit akunneri arfinillit sivisunerpaamillu sapaatit akunneri qulit sioqqullugit, qinersinermi ataatsimiititaliap isumaqatigiilluni piffissaliussanik saneqqussisoqarnissaa aalajangersimangippagu, taamaattorli tak. § 37, imm. 2 aamma imm. 3, oqaaseqatigiit aappaat.

*Imm. 3.* Ullumik qinersiviusussamik tamanut saqqummiussinerup imarissuai:

- 1) sulisut sinniisaasa sinniisissaasalu qinerneqartussat amerlassusaat pillugu paasissutissat, tak. § 10,
- 2) piffissaaq qinersiviusussaaq imaluunniit piffissap qinersiviusussap sivisusussaa, aamma
- 3) ingerlatseqatigiiffimmi sinniisussatut sinniisissatullu qinigassanngortittussatut siunnersuutigineqartunik inunnik sulisuniit siunnersuutinik saqqummiusseqquneq. Saqqummiusseqqusinermi siunnersuutip kingusinnerpaamik qaqugu tunniunne-qarnissaanut ullu allanneqassaaq. Ullu taanna ullu qinersiviusussaaq minnerpaamik sapaatit akunnerinik sisamanik siusinnerusumik inissisimassaaq, qinersinermi ataatsimiititaliaq isumaqatigiilluni aalajanginngippat piffissaliussaaq taanna saneqqunneqassasoq.

*Imm. 4.* Qinersinermi ataatsimiititaliaq ullup qinersiviusussap tamanut saqqummiunneqarnerata peqatigisaanik ullormi tamanut saqqummiussinermi qinersisinnaatitaasut sulisut allattorsimaffianik suliaqassapput, tak. § 15, imm. 1. Allattuiffik sulisunit pissarsiarineqarsinnaassaaq, elektroniskimik iluseqarsinnaasoq.

**§ 40.** Qinersinermi ataatsimiititaliap misissussavai qinigassanngortittutut siunnersuutigineqartut qinigassanngortinneqarsin-naanersut, aamma qinersinermut suleriaaseq toqarneqartoq naapertorlugu ingerlatseqatigiiffimmi sinniisutut sinniis-satulluunniit qinigassanngortinnissamut piimassuseqarnerisut, tak. imm. 3 aamma 5.

*Imm. 2.* Qinersinermi ataatsimiititaliaq isumaqatigiilluni aalajangiisnaavoq qinersineq taasisoqartinnagu qinersinertut ingerlanneqarsinnaasoq:

- 1) qinigassanngortittut tamarmik tamatumunnga isumaqataappata, aamma
- 2) piffissaliussap naanerani, tak. § 39, imm. 3, nr. 3, qinigassanngortitanik qinerneqarsinnaasutut amerlassuseqar-pata, aamma
- 3) qinigassanngortittut akornanni inissisimaffiit agguarneqarnissaat pillugu isumaqatigiittoqarpat.

*Imm. 3.* Ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi § 140, imm. 1 malillugu qinersinissamut sulisut pisinnaatitaaffiinik qinigassanngortittut amerlassusaattut qinigassanngortitsisoqan-gippat qinigassanngortittut sassartutut amerlassuseqartillugit qinersineq naammassineqassaaq. Qinersinermi ataatsimiitita-liarlu isumaqatigiilluni aalajangiisnaavoq qinersinissaaq kinguartinneqassasoq piffissaliussallu erseqqinnerusumik aalaja-ngerneqartup iluani sulit allat qinigassanngortinnissaannut kaammattuilluni, taamaattorli tak. § 37, imm. 2 aamma imm. 3,

oqaaseqatigiit aappaat, imaluunniit qinersineq taasisoqartinnagu qinersinertut ingerlanneqassasoq, imm. 2, nr. 1 aamma 3 aamma naammassineqarsimappata.

*Imm. 4.* Qinersinermi ataatsimiititaliap qinigassanngortittussatut siunnersuutigineqartut ilisimatissavai peqatigisaanik allatigut qullersatut aqutsinermi oqartussanut qinigaasimannnginnissaat imaluunniit toqqarneqarsimannnginnissaat, tak. § 17.

*Imm. 5.* Qinigassanngortittut allattuiffimmi allanneqassapput, taamaattorli tak. imm. 6. Allattuiffik ingerlatseqatigiiffimmi sulisunut ullu qinersivissaq kingusinnerpaamik sapaatit akunneri marluk sioqqullugit tamanut saqqummiunneqassaaq. Qinigassanngortittut allattorsimaffianit erseqqissumik takuneqarsinnaassaaq piffissamut sorlermi qinigassanngortittut sassarnersut.

*Imm. 6.* Qinersinermi ataatsimiititaliami sulisut isumaqatigiillutik piumasarisinnaavaat qinigassanngortittut allattuiffinni marlunni sassassasut, ataaseq ingerlatseqatigiiffimmi sinniisussanut allattuiffimmi ataaserlu sinniisussanut. Qinigassanngortittoq ataaseq allattuiffimmi ataatsimi taamaallaat allatsissinnaavoq. Allattuiffiit ulloq qinersivissaq kingusinnerpaamik sapaatit akunneri marluk sioqqullugit ingerlatseqatigiiffimmi sulisunut tamanut saqqummiunneqassapput. Allattuiffinnit ataasiakkaanit tamanit erseqqissumik takuneqarsinnaassaaq piffissamut sorlermut qinigassanngortut qinigassanngortinnersut. Qinersinermi ataatsimiititaliap isumaqatigiilluni aalajangiisinnaavoq inummut sinniisissamik qinigassanngortittoqassasoq.

*Imm. 7.* Qinersinermi ataatsimiititaliap isumaqatigiilluni aalajangiisinnaavoq § 43, imm.1, oqaaseqatigiit aappaat aamma imm. 2 saneqqunneqassasut. Peqatigisaanik qinersinermi ataatsimiititaliap aalajangiissalluni kina ingerlatseqatigiiffimmi sinniisutut sinniisissatullu qinigaanersoq qanoq aalajangiiffigineqassanersoq.

*Imm. 8.* Ingerlatseqatigiiffinni, nunani allani angalasuni umiarsuarni sulisunik sulisoqartuni, qinigassanngortittut allattorsimaffiat, kiisalu qinigassanngortittut allattorsimaffii, pisariaqassapput nalunaarusuartaatikku, elektroniskimik allatigulluunniit assigisaatigut umiarsuarni qinersinermi ataatsimiititaliaaqamut nassiuunneqassapput, taamaalilluni allattuiffik imaluunniit allattuiffiit ulloq qinersivissa kingusinnerpaamik sapaatit akunneri marluk sioqqullugit umiarsuarni sulisunut tamanut saqqummiunneqarsinnaalluni.

**§ 41.** Qinersinermi ataatsimiititaliap taasiffissanik sanatitsissaaq, tassani qinigassanngortittut kinguliai naqinnerit tulle-riinneri malillugit allatorneqarlutik. Allattuiffinni marlunni qinersisoqarpat qinigassanngortittut kinguliai ingerlatseqatigiiffimmi sinniisunut sinniisissaannullu naqinnerit tulle-riinneri malillugit allanneqarsimassallutik. Aammattaaq qinersineq allattuiffimmi ataatsimi marlunniluunniit ingerlanneqarnersoq ilisimatitsissutigineqassalluni, aamma § 40, imm. 6 aamma 7 malillugit qinersinermi ataatsimiititaliap saneqqussinissamik sutigut aalajangiisimanersoq.

*Imm. 2.* Taasiffissaq qinigassanngortittup aqqa, najugaa, suliffigisaa, sulinera, ingerlatseqatigiiffimmi suliatiqut sinniisutut suliaraqnera, piffissaq qinigassanngortiffiusoq, aamma § 42, imm. 2 aamma 3 malillugit taasinerit amerlassusissaat pillugit paasissutissanik imaqassaaq. Paasissutissat allat taasiffissami allassimassanngillat.

*Imm. 3.* Nunani allani angalasuni umiarsuarni qinersinermi imm. 1, tak. imm. 2, taaneqartut taasiffissat atornagit allakkat puuni matoqqasuni taasisoqarnissaa qinersinermi ataatsimiititaliaaqamit akuerineqarsinnaavoq.

*Imm. 4.* Qinersinermi ataatsimiititaliap isumaqatigiillutik aalajangiisinnaapput taasiffissanik sanasoqassanngitsoq, qinersinerli allatut ingerlanneqassasoq imm. 1 aamma 2-mi paasissutissanik taaneqartunik sulisut pissarsinissaat qulakkeerneqarluni.

**§ 42.** Qinersineq allakkatigut, e-mailikkut assigisaatigulluunniit ingerlanneqassaaq isertuussinerussallunilu.

*Imm. 2.* Sulisut tamarmik immikkut ingerlatseqatigiiffimmi sinniisussat amerlassusaasat affaannut aamma sinniisussat amerlassusaasa affaasa qinerneqartussat katinnerinut naapertuuttumik taasinerik amerlanerpaamik taasisinnaapput, tak. § 10. Ingerlatseqatigiiffimmi sinniisut imaluunniit sinniisissaasa amerlassusaat 2-mik agguarneqarsinnaanngippata, oqaaseqatigiinni siullerni katinneri naatsorsorneqartinnagit taasinerit amerlassusaat qummut akunnaallisarneqassapput. Qinigassanngortittut allattuiffimmi ataatsimi allanneqarpata sinniisussat amerlassusaat, oqaaseqatigiinni siullerni naatsorsuinermit tunngavigineqartut, ingerlatseqatigiiffimmi sinniisut qinerneqartussat amerlassusaat assigalugit taamatut amerlassusilerlugit aalajangerneqassapput. Sulisut ataasiakkaat tamarmik immikkut qinigassamik ataatsimik taamaallaat taasinermik ataatsimik taasisinnaapput.

*Imm. 3.* Qinersinermi ataatsimiititaliap isumaqatigiilluni imm. 2, oqaaseqatigiit siulliit saneqqunneqassasoq aalajangiisinnaapput.

*Imm. 4.* Allattuiffimmi qinigassanngortittunut, imm. 3 imaluunniit 3-mi periarfissaasunit amerlanernut iluaqutaasumik taasisoqarpat taasineq atuutinngitsutut isigineqassaaq. Taamaaqataani qinigassanngortittut arlaat kina taaneqarsimanersoq paatsuugasaanngitsumik takuneqarsinnaanngippat imaluunniit taasiffissami atit allat allanneqarsimappata imaluunniit iluarsineqarsimappat taasiffiusoq atuutinngitsutut isigineqassaaq. Nalornisoqartillugu taasiffiusoq atuutissannginnersoq qinersinermi ataatsimiititaliap aalajangiisaaq.

**§ 43.** Qinigassanngortittut allattuiffimmi ataatsimi allanneqarsimappata qinigassanngortittut, tak. § 10, taasinerik amerlanernik pissarsisimasut ingerlatseqatigiiffimmi sinniisutut qinerneqarsimassapput. Inuit sinneri, qinersinermi qinigassanngortissimaust ikinnerpaamillu taasinermik ataatsimik pissarsisimasut, sinniisissanngussapput, § 40, imm. 7 malillugu allamik aalajangiisoqarsimanngippat. § 10, imm. 1 malillugu sulisut pisinnaatitaaffiinit ikinnerusunik qinersisoqarsimappat qinersinermi ataatsimiititaliap isumaqatigiilluni aalajangiisinnaavoq § 10, imm. 4 naapertorlugu pisinnaatitaaffitsik atussagaat.

*Imm. 2.* Qinersineq allattuiffiit marluk malillugit ingerlasimappat, qinigassanngortittut, tak. § 10, allattuiffinni ataasiakkaani taasinerik amerlanernik pissarsisimasut ingerlatseqatigiiffimmi sinniisutut aamma sinniisissatut qinerneqarsimassapput, § 40, imm. 7 malillugu allamik aalajangiisoqarsimanngippat.

*Imm. 3.* Qinigassanngortittut marluk amerlanerusulluunniit akornanni amerlaqatigiinnik taaneqarsimappata makitsinikkut qinersinermi ataatsimiititalia qinersinermik aalajangiisaaq.

*Imm. 4.* Taasinerup inernera pigineqaleriaannartorlu qinersinermi ataatsimiititaliap inuit ingerlatseqatigiiffimmi sinniisussatut imaluunniit sinniisissatut qinerneqarsimasut nalunaarfingissavai suliassamullu pineqartumut qinigaanerminnik akuersinissamut piuumassuseqarnersut misissorlugu. Qinersinermi ataatsimiititaliap aamma taasinerup inernera allakkatigut, e-mailikkut assigisaatigulluunniit sulisunut ingerlatseqatigiiffimmi qullersatut aqutsinermi oqartussanut nalunaarutigalugu.



## Kapitali 6

### *Suliffeqarfissuarmi sinniisussanik qinersinerup ingerlanneqarnera*

§ 44. Suliffeqarfissuarmi sinniisoqarnissaa pillugu aalajangiinerup akuerineqarneraniit sapinngisamik piaarnerpaamik qinersinermi aalajangiisartunik suliffeqarfissuarmi qinersinermi ataatsimiititaliaq pilersitsisoqassaaq, taamaatorli ullup qinersiviusussap nalunaarutigineraniit kingusinnerpaamik sapaatit akunneri arfinillit qaangiutsinnagit, tak. § 39, imm. 2. Taamaattoqartillugu ingerlatseqatigiiffiup piginnittup qullersatut aqutsinermi oqartussaanut suliffeqarfissuarmi sinniisussanik qinersisinnaatitaaneq qinersinermi aalajangiisartunit isumagineqassaaq. §§ 39-43-imi aalajangersakkat pisariaqartutigit iluarsarluni qinersinermi atorneqassapput.

*Imm. 2.* Suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq qinersineq toqqaannartumik qinersinertut ingerlanneqassasoq.

*Imm. 3.* Suliffeqarfissuarmi qinersinermi ataatsimiititaliaq imm. 2 malillugu aalajangiippat kapitali 5-imi aalajangersakkat pisariaqartutigit iluarsarlugit qinersinermi atorneqassapput.

*Imm. 4.* Suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq imm. 1-imi piffissaliussaq saneqqunneqassasoq, taamaatorli tak. § 37, imm. 2 aamma imm. 3, oqaaseqatigiit aappaat.

### *Suliffeqarfissuarmi sinniisussanik toqqaannangitsumik qinersinermi qinersinermi aalajangiisartut*

§ 45. Qinersinermi alajangiisartut tassaapput suliffeqarfissuup ingerlatsiviini ataasiakkaani tamani ingerlatseqatigiiffimmi sinniisut.

*Imm. 2.* Suliffeqarfissuit ingerlatseqatigiiffiini ingerlatseqatigiiffimmut sinniisoqanngitsuni ingerlatseqatigiiffimmi sulisut akornanni qinersinermi aalajangiisartunut ilaasortassanik marlunnik taakkulu sinniisissaannik qinersissasut suliffeqarfissuarmi qinersinermi ataatsimiititaliaq isumagissuaa. Sulisut ataasiakkaat tamarmik qinersinermi aalajangiisartunut qinigassanngortitamut ataatsimut iluaqutaasumik taasinermi ataasiinnarmik taasisinnaapput.

§ 46. Suliffeqarfissuarmi ingerlatseqatigiiffiit qinersinermi aalajangiisartuni ilaasortaat suliffeqarfissuup ingerlatseqatigiiffiani toqqarneqarfimminni sulisut 35-it aallarnerfigineri tamani taasinermik sisamanik kattullutik taasisinnaapput. Suliffeqarfissuarmi ingerlatseqatigiiffinni ataasiakkaanik sulisut amerlassusaat qinersinissap ulluata tamanut nalunaarutiginerani naatsorsorneqassapput. Taasinerit amerlassusaat suliffeqarfissuarmi ingerlatseqatigiiffiit ataasiakkaat aalajangiisartuni ilaasortat akornanni assigiimmik agguarneqassapput. Taasinerni sinneruttoqarpat taakku suliffeqarfissuup ingerlatseqatigiiffiata qinersinermi aalajangiisartuni ilaasortat akornanni makitsisoqarneratigit agguarneqassapput.

*Imm. 2.* Qinersinermi aalajangiisartuni ilaasortat ataasiakkaat tamarmik pineqartup imm. 1 malillugu tunniussaanut taasinerit amerlassusaannut naapertuuttumik taasiffissat amerlassusaannik peqassaaq. Qinersineq allakkatigit, e-mailikkut assigisaa-tigulluunniit ingerlanneqarsinnaavoq. § 41, imm. 4-imi aalajangersagaq taamaaqataanik atorneqassaaq.

*Imm. 3.* Qinersinermi aalajangiisartuni ilaasortat ataasiakkaat tamarmik qinigassanngortittumut ataatsimut iluaqutaasumik taasinermi taamaallaat ataatsimik taasiffissami taasisinnaapput. § 41, imm. 4-imi aalajangersagaq taamaaqataanik atorneqassaaq.

*Imm. 4.* Taasiffissami ataatsimi qinigassanngortittunut arlalinnut iluaqutaasumik taasisoqarsimappat, imaluunniit qinigassanngortittoq kina kikkulluunniit taaneqarsimanersoq paatsuugassaannangitsumik takuneqarsinnaanngippat, imaluunniit taasiffissami atit allat allanneqarsimappata imaluunniit iluarsisoqarsimappat, taasiffiussoq atuutinngitsutut isigineqassaaq. Taasineq atuutinnginnersoq nalornissutigineqarpat suliffeqarfissuarmi qinersinermi ataatsimiititaliaq aalajangiisaaq.

§ 47. Ingerlatseqatigiiffik ataaseq peqatigisaanik suliffeqarfissuarmi arlalinni ingerlatseqatigiiffiuppat piginnittoq qinersisinermi tamarmiusumi ataatsimi ingerlatseqatigiiffimmi piginnittumi tassani qullersatut aqutsinermi oqartussanut suliffeqarfissuarmi sinniisussanik qinersisoqassaaq, suliffeqarfissuarmi qinersinermi ataatsimiititaliaq isumaqatigiilluni allamik aalajangiisimannngippat. Suliffeqarfissuarmi amerlanerpaanik ingerlatseqatigiiffiusumi suliffeqarfissuarmi qinersineq ingerlanneqassaaq.

*Imm. 2.* Suliffeqarfissuarmi ingerlatseqatigiiffik piginnittuusooq ingerlatseqatigiiffiit pillugit inatsimmi, kunngip peqqussutaatigit Kalaallit Nunaannut atulersinneqartumi § 140 naapertorlugu ingerlatseqatigiiffimmi sinniisussanik qinersiffiusimasuni suliffeqarfissuarmi sinniisussanik qinersineq siulleq ingerlatseqatigiiffimmi piginnittuusumi qullersatut aqutsinermi oqartussani ingerlatseqatigiiffimmi sinniisunut piffissap qinigaaffiusup naaneranut atatillugu ingerlanneqassaaq, suliffeqarfissuarmi qinersinermi ataatsimiititaliaq isumaqatigiilluni allamik aalajangiisimannngippat.

*Imm. 3.* Suliffeqarfissuarmi ingerlatseqatigiiffik piginnittuusooq ingerlatseqatigiiffiit pillugit inatsimmi, kunngip peqqussutaatigit Kalaallit Nunaannut atulersinneqartumi § 141 naapertorlugu suliffeqarfissuarmi sinniisussanik qinersiffiusimasuni suliffeqarfissuarmi sinniisussanik qinersineq siulleq ingerlatseqatigiiffimmi piginnittuusumi qullersatut aqutsinermi oqartussani suliffeqarfissuarmi sinniisunut piffissap qinigaaffiusup naaneranut atatillugu ingerlanneqassaaq, suliffeqarfissuarmi qinersinermi ataatsimiititaliaq isumaqatigiilluni allamik aalajangiisimannngippat.

*Imm. 4.* Suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq ingerlatseqatigiiffimmi piginnittumi aamma ingerlatseqatigiiffinni pigisani piffissat qinigaaffiusut ataatsimut aaqqissuunneqassasut.

### *Suliffeqarfissuarmi sinniisussanik qinersinerup nammineq kajumissutsimik annertusineqarnera*

§ 48. Ataatsimeersuarneq aalajangiisinnaavoq sulisut qinersisinnaatitaasut aamma ingerlatseqatigiiffimmi qullersatut aqutsinermi oqartussani suliffeqarfissuarmi sinniisutut qinigassanngortissinnaasut suliffeqarfissuarmi ingerlatseqatigiiffimmi nunani allani ingerlatseqatigiiffimmi pigisami ataatsimi arlalinniluunniit sulisut ilaatilerlugit amerlineqassasut, tak. § 4, imm. 2.

*Imm. 2.* Nunani allani ingerlatseqatigiiffimmi pigisami ataatsimi arlalinniluunniit sulisut imm. 1 malillugu pisinnaatitaaffinnik iluaquteqarsinnaapput, nunani allani ingerlatseqatigiiffimmi pigisami ataatsimi arlalinniluunniit taasisinnaasut ikinnerpaamik affai, tak. § 14, imm. 2, tamanna pillugu aappearluni/naaggaarluni taasinermi tamanna pillugu taasisimappata. Suliffeqarfiss-

suarmi qinersinermi ataatsimiititaliaq aappeerluni/naaggaarluni taasinerup naammassineqarnissaanik isumaginnissapput. Suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq taasisitsineq ingerlanneqassanngitsoq. Aalajangiisoqarpat taasisitsineq ingerlanneqassanngitsoq taarsiullugu suliffeqarfissuarmi sinniisussanut qinersineq ingerlanneqassaaq, tak. imm. 3.

*Imm. 3.* Annertusineqarnissaa pillugu aalajangiisoqarsimappat, tak. imm. 1, aamma nunami allami ingerlatseqatigiiffimmi pigisami ataatsimi arlalinniluunniit taasisinnaatitaasut ikinnerpaamik affai pisinnaatitaaffinnik iluaquteqarnissamut taasisimappata, imaluunniit suliffeqarfissuarmi qinersinermi ataatsimiititaliaq isumaqatigiilluni aalajangiisimappat taasisitsineq ingerlanneqassanngitsoq, tak. imm. 2, suliffeqarfissuarmi sinniisussanik qinersinerup ingerlanneqarnissaa pillugu suliffeqarfissuarmi qinersinermi ataatsimiititaliaq aalajangiisaaq, tassunga ilanngullugu suliffeqarfissuarmi sinniisut katitigaanissaatut kissaatigineqartup anguneqarnissaa siunertaralugu sulisut qinersisinnaatitaasut nunanilu allami ingerlatseqatigiiffimmi pigisami sulisunik qinerneqarsinnaasunik sulisut qanoq amerlineqassanersut. Tassunga atatillugu suliffeqarfissuarmi qinersinermi ataatsimiititaliaq qulakkiissavaa qinersinerup isumannaatsumik ingerlanneqarnissaa, aamma paasiuminartuuneq assigiimmillu pineqarnissaaq pillugu tunngaviit isiginiarneqarnissaaq, aamma oqartussat, qinersinerup ingerlanneqarneranik akisussaasut, sulisunut pisortaaneqarfimmilu sinniisunik amerlaqatigiinnik peqataasoqarnerat.

*Imm. 4.* Annertusineqarnissaa pillugu aalajangiisoqarsimappat, tak. imm. 1, aamma nunani allami ingerlatseqatigiiffimmi pigisami ataatsimi arlalinniluunniit taasisinnaatitaasut ikinnerpaamik affai pisinnaatitaaffiit iluaqutigineqarnissaanik taasisimappata, tak. imm. 2, ingerlatseqatigiiffinni pigineqartuni, Erhvervsstyrelsen qarasaasiaqarfiani nalunaarsugaasimasuni sulisut ingerlatseqatigiiffimmi piginnittumi qullersatut aqutsinermi oqartussanut ilaasortassamik ikinnerpaamik ataatsimik qinersisinnaatitaapput. Ingerlatseqatigiiffinni pigineqartuni, Erhvervsstyrelsen qarasaasiaqarfiani nalunaarsugaasimasuni sulisut suliffeqarfissuarmi ingerlatseqatigiiffinni pigineqartuni taasisinnaatitaasut sulisut qulerarterutaannit amerlaneruppata ingerlatseqatigiiffimmi piginnittumi qullersatut aqutsinermi oqartussani ilaasortanik ikinnerpaamik marlunnik taasisinnaatitaapput.

§ 49. § 26, imm. 3 malillugu aappeerluni/naaggaarluni taasinissaaq pillugu piumasaqaat saqqummiunneqarsimappat, aamma § 48, imm. 1 malillugu ataatsimeersuarnermi aalajangiisoqarsimappat, § 26, imm. 1, aamma § 48, imm. 2 malillugit aappeerluni/naaggaarluni taasinerit ataatsikkoortillugit ingerlanneqarsinnaapput. § 48 malillugu suliffeqarfissuarmi sinniisoqarneq pillugu aqqissuussinerup annertusineqarnerani tunngavigineqassaaq ingerlatseqatigiiffinni pigineqartuni, Erhvervsstyrelsen qarasaasiaqarfiani nalunaarsugaasimasuni suliffeqarfissuarmi sinniisoqarneq pillugu aqqissuussinermik pilersitsisoqarsimanera, imaluunniit ingerlatseqatigiiffinni pigineqartuni, Erhvervsstyrelsen qarasaasiaqarfiani nalunaarsugaasimasuni sulisut akornanni suliffeqarfissuarmi sinniisoqarneq pillugu aqqissuussinermik pilersitsisoqarnissaanut amerlanerussuteqarnerup anguneqarsimanera, tak. § 26, imm. 1, tak. § 34, imm. 3.

## Kapitali 7

### *Sulisut sinniisaasa ilaasortanngorneri tunuarnerilu*

#### *Sulisut sinniisaasa ilaasortanngorneri*

§ 50. Sulisut sinniisai nutaamik qinigaasimasut ingerlatseqatigiiffiup, kiisalu ingerlatseqatigiiffiup piginnittuusut ileqqusumik ataatsimeersuarnerata kingorna qullersatut aqutsinermi oqartussanut ilaasortanngussapput. Sulisut sinniisaat sinniisissaallu qullersatut aqutsinermi oqartussani nutaatut qinerneqarlutik ilaasortannqortoqarnissaata tungaanut qullersatut aqutsinermi oqartussani ilaasortatut ingerlaannassapput.

*Imm. 2.* Sulisut sinniisai nutaat taakkulu sinniisissaat, taamaattorli sulisut sinniisaasa amerlassusaannit amerlanerunngitsut, qullersatut aqutsinermi oqartussanut ilaasortanngornerup kingorna sapaatit akunneri marluk qaangiutsinnagit Erhvervsstyrelsimut nalunaarutigineqassapput.

#### *Sulisut sinniisaasa pisinnaannginneri*

§ 51. Sulisut sinniisaat ataaseq qullersatut aqutsinermi oqartussat ataatsimiinneranni peqataasinnaanngippat taanna taasinernik amerlanerpaanik pissarsisimasumit sinniisissamit taarserneqassaaq, § 40, imm. 7-imi malittarisassat malillugit allamik isumaqatigiittoqarsimanngippat, taamaattorli tak. ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi § 124, imm. 2, oqaaseqatigiit aappaat.

#### *Sulisut sinniisaasa tunuarneri*

§ 52. Sulisut sinniisaat ingerlaannartumik tunuassaaq, inuk:

- 1) § 54-imi malittarisassat naaportorlugit sulisunit tunuartinneqarpat,
- 2) ingerlatseqatigiiffimmi kiisalu suliffeqarfissuarmi atorfeqarunnaarpat, nammineq qullersatut aqutsinermi oqartussanit tunuarpat, imaluunniit
- 3) toqqukut qimaguppat.

§ 53. Sulisut sinniisaat piffissap qinigaaffiusup ingerlanerani tunuarpat taanna taasinernik amerlanerpaamik pissarsisimasumit taarserneqassaaq, § 40, imm. 7-imi malittarisassat malillugit allamik aalajangiisoqarsimanngippat.

*Imm. 2.* Sulisut sinniisaat tunuortoq imm. 1 malillugu taarserneqarsinnaanngippat kapitali 5-imi kiisalu kapitali 6-imi aalajangersakkat naaportorlugit piffissap qinigaaffiusup sinneranut atorfimmuut inuttaqanngitsumut ilassutitut qinersisoqassaaq, qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq sulisut sinniisaat sinniisissallu sinneruttut akuersitillugit isumaqatigiillutik aalajangiinngippata atorfik sinneruttoq piffissami qinigaaffiusumi sinneruttumi inuttalerneqatigissanngitsoq.

*Imm. 3.* Ilassutitut qinersisoqartillugu ingerlatseqatigiiffimmi kiisalu ingerlatseqatigiiffinni pigineqartuni sulisut qulerarterutaat qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq piumasaqarsinnaapput

taarsiullugu piffissamut qinigaaffiusumut sinneruttumut sulisut sinniisaanik sinniisissaannillu tamarmiusunik qinersisoqassasoq. Tamanna pillugu qinnuteqaat ilassutit qinersinissamut ullup qinersiviususaaq kingusinnerpaamik sapaatit akunneri sisamat sioqqullugu saqqummiunneqassaaq.

§ 54. Sulisup sinniisaanik tunuartsinissaaq pillugu taasisitsineq pilersinneqassaaq § 25, imm. 2-mi imaluunniit § 26, imm. 3-mi illuatungeriit taaneqartut tamanna pillugu piumasaaqateqarpata. Qinersinermi ataatsimiititaliaq imaluunniit suliffeqarfissuarmi qinersinermi ataatsimiititaliaq kapitali 4-imi malittarisassat eqqortillugit taasinermik ingerlatsissaaq. Sulisut sinniisaanik tunuartsineneq pillugu aalajangiineq akuerineqassaaq taasinermi peqataasut affai sinnerlugit akuersisimappata.

## Kapitali 8

### *Piffissap qinigaaffiusup ingerlanerani allannguinerit*

§ 55. Ingerlatseqatigiiffimmi kiisalu ingerlatseqatigiiffimmi piginnittumi, sulisut sinniisoqarfiusumi, ataatsimeersuarneq piffissami qinigaaffiusumi qullersatut aqutsinermi oqartussani ataatsimeersuarnermi qinerneqartut ilaasortat amerlassusai allangortinneqassasut aalajangiippat, ingerlatseqatigiiffiit pillugit inatsimmi, kungip peqqussutaatigut Kalaallit Nunaannut atulersinneqartumi § 120, imm. 1 eqqortinniarlugu amerlassusit ikilisinneqassappata sulisut sinniisaasa amerlassusaaq taamaallaat allangortinneqassaaq, aamma ataatsimeersuarnermi toqqarneqanngitsut qullersatut aqutsinermi oqartussani ilaasortat allat ikilineqanngippata.

*Imm. 2.* Sulisut sinniisaat qinersinermi ikinnerpaanik taaneqarsimasooq ingerlaannartumik tunuassaaq, allannguinerup kingunerippagu qullersatut aqutsinermi oqartussani sulisut sinniisaasa amerlassusaaq ikilineqassasut. Sulisut sinniisaat piffissap qinigaaffiusup ingerlanerani sinniisissamik taarserneqarsimappat taamaattoq taanna sulisut sinniisaannit allanit siulliulluni tunuassaaq. Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq isumaqatigiilluni aalajangiisinnaavoq sulisut sinniisaa sinniisissaasalu akornanni isumaqatigiissuteqarnikkut oqaaseqatigiit siullit aamma aappaat saneqqunneqassasut. Sulisut sinniisaat taasisoqartinnagu qinersisoqarneratigut qinerneqarsimappat qinersinermi ataatsimiititaliaq makitsinikkut qinersineq pillugu aalajangiisaaq.

*Imm. 3.* Sulisut sinniisaasa sinniisissaasalu amerlassusaaq piffissap qinigaaffiusup ingerlanerani ikilisinneqarsinnaapput qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq sulisut akornanni isumaqatigiit-toqarpat. Tunuarneq imm. 2-mi malittarisassat malillugit pissaaq.

*Imm. 4.* Suliffeqarfissuarmi sinniisut tunngavigalugit ingerlatseqatigiiffimmi sinniisut amerlassusaaq ikilisinneqarpata, aamma suliffeqarfissuarmi sinniisoqarneq atorunnaarpat suliffeqarfissuarmi sinniisoqarnerup atorunnaarnerata malitsigisaanik qullersatut aqutsinermi oqartussani inissanik ingerlatseqatigiiffimmi sulisut pissarsisinnaatitaapput. Ingerlatseqatigiiffimmi sinniisut, ingerlatseqatigiiffiup qullersatut aqutsinermi oqartussani inissanut pineqartunut siusinnerusukkut toqqarneqarsimasut ilaasortanngoqqisapput, qinersinermi ataatsimiititaliaq isumaqatigiilluni allamik aalajangiisimanngippat. Inissanut pineqartunut ingerlatseqatigiiffimmi sinniisunik toqqaasoqarsimanngippat kapitali 5-imi aalajangersakkat malillugit ilassutit qinersisoqassaaq, qinersinermi ataatsimiititaliaq isumaqatigiilluni allamik aalajangiisimanngippat.

*Imm. 5.* Ingerlatseqatigiiffimmi sinniisut tunngavigalugit suliffeqarfissuarmi sinniisut amerlassusaaq ikilisinneqarpata, aamma ingerlatseqatigiiffimmi sinniisoqarneq atorunnaarpat ongerlatseqatigiiffimmi sinniisoqarnerup atorunnaarnerata malitsigisaanik qullersatut aqutsinermi oqartussani inissanik suliffeqarfissuarmi sulisut pissarsisinnaatitaapput. Suliffeqarfissuarmi sinniisut, ingerlatseqatigiiffiup qullersatut aqutsinermi oqartussani inissanut pineqartunut siusinnerusukkut toqqarneqarsimasut ilaasortanngoqqisapput, suliffeqarfissuarmi qinersinermi ataatsimiititaliaq isumaqatigiilluni allamik aalajangiisimanngippat. Inissanut pineqartunut suliffeqarfissuarmi sinniisunik toqqaasoqarsimanngippat kapitali 6-imi aalajangersakkat malillugit ilassutit qinersisoqassaaq, qinersinermi ataatsimiititaliaq isumaqatigiilluni allamik aalajangiisimanngippat.

### *Kattunnermi, agguataarinermi assigisaanilu sulisut sinniisaat*

§ 56. Kattunnermi, agguataarinermi assigisaanilu nalunaarummi matumani aappeerluni/naaggaarluni taasineq, qinigassanngortissinnaatitaaneq aamma ingerlatseqatigiiffiup atunneranut ukiunik pingasunik malittarisassat pillugit malittarisassat saneqqunneqarnissaannut Erhvervsstyrelsi periarfissaqarpoq.

## Kapitali 9

### *Immikkut aalajangersakkat*

### *Ingerlatseqatigiiffimmi pissutsit pillugit sulisunik ilisimatitsineq*

§ 57. Ingerlatseqatigiiffimmi suliffeqarfissuarnilu, sulisut ingerlatseqatigiiffiit pillugit inatsimmi, kungip peqqussutaatigut Kalaallit Nunaannut atulersinneqartumi §§ 140 imaluunniit 141 malillugu sinniisussanik qinersinissamut pisinnaatitaaffimminnik iluaquteqartuni, ingerlatseqatigiiffimmi kiisalu ingerlatseqatigiiffimmi piginnittumi qullersatut aqutsinermi oqartussat ingerlatseqatigiiffimmi kiisalu suliffeqarfissuarmi pissutsit pillugit ingerlatseqatigiiffimmi imaluunniit suliffeqarfissuarmi sulisunut pitsaasumik kinguneqarluartumillu sunnuteqartut paasisutissiisarfiit aqutugalugit ilisimatitsinerup isumaginissaa pisussaaffigaat. Pissutsit taakku pillugit ilisimatitsineq tulluurtumik tunniunneqassaaq. Ilisimatitsinerup assersuutugalugu ilaasinnaapput ingerlatseqatigiiffiup kiisalu suliffeqarfissuup aningaasaqarnikkut, ingerlatsinikkut sulisoqar-nikkullu inissisimanera ineriartorneralu.

§ 58. Ingerlatseqatigiiffimmi qullersatut aqutsinermi oqartussat paasisutissiisarfiit sorliit ingerlatseqatigiiffimmi imaluunniit suliffeqarfissuarmi pissutsit ilisimatitsineratalu pissusaanut tulluarnepaanersut pillugit aalajangersakkamik aalajangersaasinaapput. Ilisimatitsineq assersuutugalugu ingerlatseqatigiiffiup imaluunniit suliffeqarfissuarmi ingerlatseqatigiiffiit ulluinnarni aqutsisui suleqatigiinnermullu ataatsimiititaliaq, taamaattoqarpat, aqutugalugu tunniunneqarsinnaavoq.

*Imm. 2.* Ingerlatseqatigiiffimmi imaluunniit suliffeqarfissuarmi sulisunik ilisimatitsineq assersuutugalugu paasisutissiinerneq

atuagassiat, suliffeqarfiup iluani sulisunut atuagassiat assigisaaluunniit saqqummersinnerisigut, nittartakkatigut, suleqatigiin-  
nermi ataatsimiititaliani ataatsimiinnerni, suliffeqarfimmi ataatsimeersuarnerni ataatsimoortitsillunilu ataatsimiinnerni  
pisinnaavoq.

#### *Sulisut piginnittut allattorsimaffianni ilisimatinneqarnissamut pisinnaatitaaffiat*

§ 59. Ingerlatseqatigiiffinni imaluunniit suliffeqarfissuarmi, sulisut sinniisoqarnissaannut sulisut pisinnaatitaaffeqarfini,  
kisiannili sulisut sinniisaannik qinersiffusimannngitsuni, sulisunut sinniisoq piginnittut allattorsimaffianni misissuisinnaavoq.

*Imm. 2.* Ingerlatseqatigiiffimmi imaluunniit suliffeqarfissuarmi ingerlatseqatigiiffinni sulisut ataatsimut sinniisussamik  
qinersisimappata, imaluunniit suliffeqarfimmi ataasiinnarmik sinniisumik peqarpat imm. 1-imi taanna pisinnaatitaaffeqassaaq.  
Pisuni allani sulisut akornimminni piginnittut allattorsimaffianni misissuisussamik sinniisumik qinersissapput.

*Imm. 3.* Suliffeqarfissuarni ingerlatseqatigiiffinni pigisani ataasiakkaani sinniisulik ataatsimiititaliaq imm. 1 malillugu pisina-  
naatitaaffimmik ingerlatsisussamik toqqaasoqassaaq. Ingerlatseqatigiiffimmi pigisami sulisut ataatsimut sinniisussamik toqqa-  
simappata, imaluunniit suliffeqarfimmi ataasiinnarmik sinniisoqarpat, taanna ataatsimiititalimi ilaasortaassaaq. Taamaattoqan-  
ngippat ingerlatseqatigiiffinni pigineqartuni sinniisut akornimminni ataatsimiititaliamik ilaasortassamik toqqaassapput,  
imaluunniit sulisut akornimminni ataatsimiititaliamik ilaasortaasussamik toqqaassallutik.

#### *Qinersinerit ingerlanneqarnerinut aningaasartuutit*

§ 60. Ingerlatseqatigiiffik kiisalu ingerlatseqatigiiffik piginnittusoq nalunaarummi matumani pineqartuni taasisitsinerni  
qinersinernilu aamma § 57-imi pineqartumik sulisunik ilisimatitsinermi aningaasartuutinik akiliisaaq.

*Imm. 2.* Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq ingerlatseqatigiiffimmi  
kiisalu ingerlatseqatigiiffimmi piginnittumi qullersatut aqutsinermi oqartussat siumoortumik taakkuninnga akuersiteqqaarnagu  
nalinginnaasuunngitsunik imaluunniit annertuunik aningaasartuuteqaquusaanngillat.

#### *Nalunaarutiginninneq*

§ 61. Nalunaarut manna malillugu aalajangiinerit, Erhvervsstyrelsimi nalunaarutigineqartussat imaluunniit nalunaar-  
sugassaasut ingerlatseqatigiiffiit pillugit inatsimmi, kunngip peqqussutaatigut Kalaallit Nunaannut atulersinneqartumi kapitali 2-  
mut ilaapput. Nalunaarutiginninnermi qinersinermi ataatsimiititaliamit kiisalu suliffeqarfissuarmi qinersinermi ataatsimiitita-  
liamit atsiorneqarsimasoq allattaavik ilaatinneqassaaq.

#### *Isumaqatigiinngissutit*

§ 62. Nalunaarummi matumani aalajangersakkanut tunngasut isumaqatigiinngissutit eqqartuussivinnut atapput, taamaattorli §  
21, imm. 2.

*Imm. 2.* Nalunaarummi matumani qinersinermi ataatsimiititaliaq, kiisalu suliffeqarfissuarmi qinersinermi ataatsimiititaliaq  
isumaqatigiinngissutinik aalajangiinissamut piginnaatitaatillugu isumaqatigiinngissut aatsaat eqqartuussivinnut suliasanngortin-  
neqarsinnaavoq qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq aalajangiisimappat.

#### *Pineqaatissiinerit*

§ 63. §§ 13, 18, 23, 27, § 29, imm. 5, §§ 32, 33, 36, 37, 39, 40, 41, § 43, imm. 4, § 44, imm. 1, § 48, imm. 3, oqaaseqatigiit  
aappaat aamma § 54 naapertorlugu pisussaaffimminik unioqutitsisoq qullersatut aqutsinermi oqartussani imaluunniit  
pisortaaneqarfimmi, qinersinermi ataatsimiititaliami, suliffeqarfissuarmi qinersinermi ataatsimiititaliami, qinersinermi  
ataatsimiititaliaaqqami imaluunniit suleqatigiininnermi ataatsimiititaliami ilaasortaq unioqutitsisoq akiliisinneqarsinnaavoq.

#### **Kapitali 10**

#### *Atulersitsinermi aalajangersakkat*

§ 64. Qinersinermi suleriaatsit, nalunaarutip matuma atulersinnerani aallartinneqartut, ullup qinersiviusussap tamanut  
saqqummiunneqarnerani piffissami malittarisassat atuuttut isiginiarlugit naammassineqassapput.

*Imm. 2.* Qinersinermi ataatsimiititaliaq kiisalu suliffeqarfissuarmi qinersinermi ataatsimiititaliaq isumaqatigiillutik imm. 1  
saneqqunneqassasoq aalajangiisinnaapput, taamaalilluni nalunaarummi matumani aalajangersakkat atorneqarlutik naatsorsuu-  
tigalugu sulisut sapinngisamik piaarnerpaamik aalajangiineq aamma saneqqussinerit suut aalajangiiffigineqarsimanersut  
pillugu paasissutissanik naammattunik tigusaqarlutik, sulisut taamaalillutik saneqqussinernut naleqqussarsinnaallutik.

§ 65. Nalunaarut ulloq 1. juli 2018-imi atulersinneqarpoq.

*Imm. 2.* Nalunaarutit uku atorunnaarsinneqarput:

- ) Ingerlatsivinni qitiusumik qullersaqarfiusuni, aktieselskabiusuni anpartsselskabiusunilu il.il., siulersuisunut ilaasortanik  
sulisut qinersisarnerat pillugu Kalaallit Nunaannut nalunaarut (Suliffeqarfissuarmi immikkoortortalimmi sinniisoqarneq).
- ) Aktieselskabini anpartsselskabinilu il.il. siulersuisunut ilaasortanik sulisut qinersisarnerat pillugu Kalaallit Nunaannut  
nalunaarut (ingerlatsivinni sinniisoqarneq).

*Erhvervsstyrelsi, ulloq 29. maj 2018*

HENNING STEENSIG

/ Henrik Davidsen